



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.30. Conversio Regis Eduini.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VII rum Reliquias tollerent, aut cum Diaconis baptizarent, sed volebat, ut in hac
A. C. 626. Functione Subdiaconi Diaconis ministrarent, & SS. Reliquiæ a Presbyteris tollerentur. Cœmeterium S. Nicomedis perfecit, & dedicavit. Ipso defuncto Sacra Sedes sex mensibus & octodecim diebus vacavit, tumque 14. Maji anno 626. ordinatus est Honorius ex Campania Petronii Consulis filius, qui annis duodecim sedit.

§. XXX.

Conversio Regis Eduini.

Bed. II. hist.
c. 9. Honorio S. Petri Sedem tenente Eduinus Rex Nordhumbrorum ad Fidem conversus est. Nocte Paschali Regina uxor ejus filiam peperit; & ecce! ipso Festo 20. Aprilis anno 626. Sicarius a Rege Saxonum Occidentalium immissus Regem invadit, duos ex comitibus interficit, & ipsum Principem vulnerat. Cum vero Diis suis Gratias ageret, quod se ex hoc periculo eripuissent, Episcopus Paulinus tunc præsens, Deo Gratias agebat pro felici Reginæ partu, dicens ad Regem, Reginam precibus suis hanc prolem a Deo obtinuisse. Grata fuit Regi admonitio Episcopi, promisitque, se Idola sua abjecturum, & Jesum Christum adoraturum, si victoriam de Rege illo, qui sibi per parricidam insidiatus erat, tribuis-

tribuisset, atque in sinceri animi pignus Sæculum VII
A. C. 626.
permisit, ut Episcopus filiam suam bapti-
zaret. Id in die Pentecostes factum, at-
que hæc Regia puella nomen Enfleda ex
sacro fonte tulit. Ceterum prima fuit
ex tota Gente Nordhumbrorum, quæ
cum duodecim aliis ex stirpe Regia
genus ducentibus salutis lavacro ablu-
ta est.

Eduinus Rex, ubi ex vulnere convaluit,
collecto exercitu in Regem Saxonum
Occidentalium movit, vicitque, omni-
bus illis, qui in necem suam conjurave-
rant, vel captis vel interfectis. Domum
reversus Baptismum statim accipere ta-
men noluit, quamvis ex quo promiserat,
Christianum se futurum, Idolorum cul-
tum abjecisset; sed de rebus ad Fidem
pertinentibus a Paulino Episcopo accu-
rate edoceri volebat, & de negotio tan-
ti momenti cum Optimatibus, quorum
prudentiam longa experientia perspe-
ctam habebat, deliberabat. Præterea
sæpe ipse solus, quæ Religio præferenda
esset, ponderatis utrinque momentis per-
pendebat. In illa deliberatione erat,
cum ei Epistolæ Bonifacii Papæ, anno su-
periore defuncti, redditæ sunt; Paulino
autem Episcopo non satis erat, Regem
suis exhortationibus incitare, sed etiam
multis precibus a Deo salutem ejus ef-
flagitabat, & cælesti Revelatione prodi-
gium

Sæculum VII gium arcanum accepisse creditur, quod
A. C. 626. Regi olim ostensum fuerat.

Eduinus Rex Nordhumbrorum. Nam Eduinus cum in atate juvenili Edelfridum Antecessorem suum longo tempore sibi infensum sensisset, ad quemdam alium ex Anglorum Natione nomine Redualdum confugit. Is fugientem quidem in domum suam excepit, at deinde cum minis tum pollicitationibus Edelfridi mutatus promisit, se Eduinum traditurum. Ille noctu a fideli amico per litteras monitus excessit e Palatio, & inops consilii in saxo extra fores posito sedens, quid sibi faciendum esset, hæsitabat. Tunc vero derepente virum conspexit, cujus facies & vestis ignota. Is Eduinum percontari, quid hic solus & ista noctis hora ageret, & mox dixit: *Quid illi daturus esses, qui te ab hoc metu liberaret, & Redualdum permoveret, ut te nec inimico tuo tradat, nec quicquam mali inferat?* Eduino respondente, daturum se Benefactori suo quidquid posset, addit ignotus: *Si quis autem tibi promitteret, non solum ex potestate inimicorum tuorum te esse liberandum, sed etiam Regem futurum Regibus omnibus ex Natione Anglorum, Antecessorum tuorum, potentiolem?* Statimque tertio adjecit: *Et si ille ipse, qui tibi tanta bona prædixit, consilia suggerat vitæ beate instituendæ & Saluti tuæ utiliora, quam unquam*

unquam Patres tui aut Propinqui acceperunt, an promittis, illa sequi? Sæculum VII A. C. 626.

Eduinus, & illico ignotus, manum capiti ejus imponens, dixit: *Quando rerum istarum eventum videris, memento eorum, quæ hodie loquimur, & sta promissis.* His dictis oculis ejus ereptus magno solatio recreatum reliquit. Jamque adest amicus ejus nuncians, eum securum esse de periculo, quia Rex Edelfridus a Regina uxore mitigatus statuisset, ejus defensionem suscipere. Effecit etiam, quod decreverat, & ipsum Redualdum bello aggressus profligavit. Ita Eduinus ad Coronam pervenit.

Igitur Paulinus Episcopus de hac visione edoctus ingreditur ad Regem Eduinum de mutanda Religione deliberantem, & manum super caput ejus ponens quærit, an cognosceret hoc signum. Contremuit Rex, & ad pedes Episcopi accidere parabat, qui primum erigens, leniter dixit: *Vides jam, quod Deus te ex manibus inimicorum tuorum eruerit, & Regnum, quod optabas, dederit; meminere itaque, rem, quam tertio loco promissisti, præstandam esse, id est, Fidem suscipiendam, & Præcepta ejus servanda.* Adhucdum Rex spatium petiit, quo cum suis colloqueretur, & simul omnes baptizarentur; consensitque Episcopus. Ergo Nordhumbri Rex suis ad Consilium vocatis, singulos convertuntur.

c. 13.

Hist. Eccles. Tom. VIII.

Z z

men-
tur.

Sæculum VII mentem suam aperire iussit. Tum Coi-
A. C. 626. fuis Pontificum primus dixit: *Tuum est,*
o Rex! judicare, an bona vel mala sit Do-
ctrina, quæ nobis hodie affertur. Ego
quidem certissimum tibi affirmo, Religio-
nem, quam hucusque secuti sumus, nullam
habere utilitatem; quamvis enim nullus
Subditorum tuorum in colendis Diis no-
stris me studiosior fuerit, multi tamen a
te & majoribus beneficiis cumulati, & am-
prioribus Dignitatibus ornati sunt, &
quidquid cupiunt, felicius consequuntur.
 Alius addidit: *Præsens vita similis mihi*
videtur volatui aviculæ, quæ hyberno tem-
pore per triclinium, in quo ad focum ju-
cunde epulamur, transvolat. Volucris
per unam portam intrans & per alteram
exiens uno momento calore refocillatur, &
abripitur ex oculis nostris. Talis est vi-
ta nostra; nescimus enim, quæ præcesse-
rint, nec quæ secutura sint. Si nova hæc
Doctrina nos doceat certiora, rationi con-
sentaneum est, ut eam amplectamur.

Tum Coifius Pontifex dixit, cupere
 se, Paulinum de Deo suo accuratius dis-
 ferentem audire, cumque ille sapientissi-
 me peroraret, exclamavit Popa: *Diu est,*
quod perspexerim, nullos esse Deos, quos
adorabamus, nam quo magis in nostra Re-
ligione veritatem quærebam, eo minus in-
veniebam. Nunc vero Veritatem ex hæc
Doctrina emicare cerno, hæc nobis vitam,
 Salu-

Salutem, & Beatitudinem æternam dabit. **Sæculum VII**

Quare censeo ego, o Rex! Tempa ista & **A. C. 627.**

Aras, quas sine commodo nostro consecra-
vimus, a nobis esse incendendas. Rex co-
 ram professus est, se Idololatriam abji-
 cere, & Jesu Christi Fidem amplecti;
 cumque ex Pontifice Coifio percontare-
 tur, quis primus Tempa & Idola in mu-
 ris suis esset aggressurus, Coifius respon-
 dit: *Ego ipse, qui adsum; cujus enim*
alterius exemplum magis, quam meum,
apud populum valeat? Mox rogat Regem,
 ut arma & equum generosum sibi dari ju-
 beret, cum prius antiqua illius Gentis
 Superstitione nefas esset, Pontificem ar-
 ma gerere, & tantum equa vehi liceret.
 Igitur equo insidens gladio accinctus ma-
 nu lanceam dirigente ad Idola defertur,
 populo, cui a sana mente dejectus vide-
 batur, obstupescente. Ubi intra teli ja-
 ctum fuit, ut Templum profanaret, lan-
 ceam primus immittit, sociosque muros
 diruere, flammis vastare, & funditus e-
 vertere jubet.

Rex Eduinus anno Regni sui undeci-
 mo, Christi 627. cum omnibus proceri-
 bus & maximo populi numero, Eboraci,
 seu vulgari nomine *York*, Die Pa-
 schæ, duodecimo Aprilis, in Ecclesia S.
 Petri, quam tumultuario opere ex ligno
 construi præceperat, dum omnia ad Ba-
 ptismi ejus Cæremonias parantur, bapti-

c. 14.

Sæculum VII zatus est. Mox vero Paulino Episcopo
 A. C. 627. instante in eodem loco Ecclesiam lapi-
 deam, ampliorem & augustiore forma,
 in cujus medio primum illud Oratorium
 stabat, ædificari curavit, quæ tamen
 Eduino jam fatis functo ab ejus Successore
 Osualdo demum perfecta est. Itaque
 Paulinus Episcopus Eduino Rege consen-
 tiente Cathedram Episcopalem in Civi-
 tate Eboracensi erexit, & annis sex se-
 quentibus, quibus regnavit, libere Fi-
 dem prædicavit. Inter alios prolem Re-
 giam, nempe filios quatuor, filiam unam
 & unum nepotem baptizavit. Plurimos
 quoque Nobilitate generis & Dignitate
 præcipuos sacro fonte abluit, tantusque
 illius populi fervor fuit, ut, cum Pau-
 linus aliquando cum Rege & Regina in
 prædium, quod Adreginum vocabatur,
 venisset, triginta omnino diebus cate-
 chizandis & baptizandis utriusque sexus
 hominibus a mane usque ad vesperam sine
 intermissione occuparetur. In illis prin-
 cipiis in fluminibus baptizabat, quia Ora-
 toriis & Baptisteriis construendis tempus
 non erat; unde colligimus, Baptismum
 per immersionem fuisse collatum.

§. XXXI.

Heraclius Victor.

Interim Heraclius Imperator bello Per-
 sico fatigabatur. Nam Persæ capta
 Jero-